

皇朝政典挈要

皇朝政典要卷三

日本增田貢原著 遂安毛

塗補編

仁和汪厚昌

訂正

錢塘顧粹因

世宗憲皇帝雍正十三年

雍正元年癸卯正月河道總督陳恪勤卒

陳恪勤治武陟決河日夜立風雪中得疾而卒喪歸繞棺哭者數萬人格勤常以澤不被民爲恥在官廉幹得民心人呼曰陳青天河南江甯西安皆建祠祀之

賁大學士張鵬翮等不職罷之

科場之弊

帝耽書史善綴文又能評騭人材 諭大學士曰國家養育人材首重翰苑必當立品端方居心敬慎聞有僥倖之徒平昔結黨營私至科場年分互相

援引請託遇謹守之人畏法不肯通反相排詆飛語誣陷此風斷不可長

謝際世

以謝際世爲御史尋褫其職

謝際世就職未浹旬面奏河南巡撫田文鏡不法狀 帝不懌曰彼輩能臣朕方倚任爾毋惑浮言誣奏擲還其疏際世伏地不肯起爭益力 上怒褫其職 令往阿爾泰軍前效力

孫家淦

以孫嘉淦爲國子監司業

狂士
服其膽

孫嘉淦上封事三曰親骨肉曰停相納曰罷西兵 帝召諸大臣示之實掌院學士曰爾翰林乃容此狂士學士叩頭謝大學士朱軾徐對曰此生誠狂然臣服其膽 上大笑曰朕亦不能不服其膽即召對授國子監司業他日帝手書嘉淦示九卿曰朕卽位以來孫嘉淦每事直言極諫朕不惟不怒且嘉悅焉爾等當以爲法

甘汝來

以甘汝來爲太平知府

甘汝來以賢能薦凡四任不用廣西歷著才略在郡禁絕屬僚餽送戒流官先後禽取人莫東旺羅文剛皆兵不血刃而平之

年羹堯破

青海僧羅木藏丹津反大將軍年羹堯討破之

青海
武格

宋可進
馬有仁

賈喜林

李綬

陣法六

五子礮

封明裔

祭明陵

厄魯特二千人圍鎮無堡武格參將宋可進破之斬六百餘人羅爾之
兵五千人又圍申中堡守備馬有仁擊走之宋可進又破之年羹堯亦禽厄
爾市謝爾蘇二酋斬之厄魯特復奪新城堡殺守備李國強羹堯遣總兵黃
喜林破之虜遂逃去

二年甲辰以李綬爲廣西巡撫

李綬始蒞任陳練兵事宜一先定操規次定操期一嚴賞罰一廣西多山谷
背山而戰宜用一字陣山曲用三才陣夾谿用雙龍陣八面受敵用八門陣
四圍合攻用圍陣亦曰風雷掃陣羊馬島道用連環陣均演習如式一馬
步兵各佩腰刀一土苗所用鳥鎗可及百五十步惟礮足制之五子礮施放
尤便宜增製得 旨嘉勉

封明裔眞定知府朱之璉世襲一等侯爵

又遣使祭明太祖陵及昌平十三陵

四川提督岳鍾琪擊羅木藏丹津大破之

破羅酋

岳鍾琪偉績

青海壯圖

獸走有賊

衣婦衣走

岳鍾琪青海大功

虜寇西盡以岳鍾琪爲參贊大臣沿途相機勦撫自松潘至西寧五千餘里烽煙肅清青海爲之寧氣進至華里山五堡環峙寂無人聲鍾琪曰是有伏兵搜之伏果起乃擊破之走役也我兵止三千破虜萬餘人奪三嶺十七寨既而還營羹堯曰已奉 旨命公領馬步軍出七千直擣青海期以四月草生時鍾琪曰青海虜十萬以萬七千當之官乘其不備且塞外無駐牧定所賊若散而誘我反四面受敵非計也願假精兵五千馬倍之羹堯奏 帝壯之

奮威將軍岳鍾琪襲擊青海平之

岳鍾琪出塞珉喀喇烏蘇斬虜千餘人尾追一夜禽百吉等二百餘人乘勝進路見獸走曰此前有虜也暮食疾馳果禽百餘人自此探者斷矣進渡哈達河又斬千餘人降虜爲言羅僧數萬駐烏蘭木呼兒相距百六十里乃拔營夜行黎明而至虜尙臥馬未銜枚衆皆驚走禽其母妹羅僧衣婦衣騎駝走鍾琪自追二百里至桑駱海紅柳蔽天彌望不極乃班師是役以五千人

石堡城

定番縣

滿寶

藥諸教

撤外戍

殺年羹堯

冒昧深入往返未兩月禽台吉十五人斬賊八萬人俘男女數萬口獲軍器駝馬甲帳無算俘獻京師以青海平大赦天下 賜鍾琪三等公世襲又

賜金扇書 御製詩以 命率二萬人征青海莊浪餘孽聚石堡城鍾琪聲

東擊西夜遣死士攀羅登險出其背禽斬五十虜盡平奏改莊浪爲定番縣
閩浙總督滿寶請禁四洋天主教

德寶安西洋人入各省行天主教煽惑人心請將各省洋人送京効工之外
俱置澳門改撤天主堂禁入其教者 詔從之

策妄阿喇布坦遣使入貢

大將軍年羹堯奏哈密寧夏賀蘭山等處便宜置戍餘撤回從之

詔立昭忠祠祀開國以來授命立功之臣

三年乙巳大將軍年羹堯有罪 賜死

諸大臣奏羹堯九十二大罪供狀昭著 帝念青海功令自裁誅其弟年富
父退齡以老怨死子孫發邊遠充軍

幽太弟

皇太帝允禩有罪幽之

允禩引允禔允禩允禩爲黨糾合術士兇徒陰謀不軌發覺俱行拘禁除宗

人府名

雲貴總督鄂爾泰征貴州仲苗平之

鄂爾泰平苗

奇臣天賜

仲苗負險肆逆議撫久無成鄂爾泰奏欲百年無事宜悉令獻土納貢違者
勦之 帝大悅曰此奇臣天賜朕也手鑄三省總督印 賜之三路進勦焚

其七寨克丰成仲苗窩黨悉就禽

五年丁未前藏頗羅鼐斬後藏阿爾布巴平其亂

阿爾布巴作亂圍布達拉喇嘛前藏頗羅鼐率所部兵直攻後藏平之斬阿

爾布巴詔命頗羅鼐管兩藏

川陝總督岳鍾琪討烏蒙蠻平之

平烏蠻

四川烏蒙土知府祿萬鍾反犯雲南鎮雄土知府隴慶侯助逆鍾琪征勦禽

萬鍾慶侯餘黨悉定

六年戊申命諸臣各保舉賢才一人

汪樹舉父

湖南巡撫汪樹舉其父刑部司官汪雲曰學問優裕政事練達其忠愛之性出於至誠 詔以知府特用

黃廷桂

七年己酉貴州提督黃廷桂擊盧苗平之

張廣泗

提督黃廷桂擊平盧苗破百餘寨張廣泗亦降丹江雞江等貴州悉平

靖邊大將軍傅爾丹征準噶爾

傅爾丹出北路岳鍾琪爲寧遠大將軍出西路 帝親行授鉞禮視大軍敗

行大雨如注旌纛溼識者以爲不祥

曾靜反

湖南生員曾靜謀反伏誅

靖州人曾靜怨考試下第家居憤鬱忽圖叛逆贈書於岳鍾琪以同謀舉事

鍾琪併其書奏之 命捕靜誅之

建賢良祠

八年庚戌 詔建賢良祠

於京城內關帝廟側建祠祭漢大臣才德著聞名節完備者

哈元生破
蠻

韓勳

定壽

傅爾丹大
敗

總兵哈元生伐烏蒙蠻大破之

烏蒙蠻祿萬福叛陷鎮城屠兵民煽動東川鎮雄及四川蠻數萬勢大振總督鄂爾泰以烏蒙公哈元生以鎮雄委參將韓勳勳以四百人敗蠻四千復斬二千級盡焚其壘元生以千餘人至得勝坡遇賊二萬其酋黑寡暮末皆稱萬人敵黑寡持長槍直犯元生元生左格槍右拔矢應手殄之又射暮末揭二首於竿進苗兵奪氣元生再戰再捷進至倚那岡設伏破其數萬平八十餘營軍勢大振苗望元生旗卽反走祿萬福匿東川鄂爾泰遣徐有貞一戰禽之

九年辛亥大將軍傅爾丹與策零戰

傅爾丹進城科布多噶爾丹策零以三萬犯北路先遣諜佯爲我兵所獲詭言厄魯特大隊未至前隊千餘駝馬二萬在博克托崙距二百程傅爾丹信之以萬餘人襲之副都統定壽諫不聽虜以弱兵誘而伏二萬於谷中胡箭戢起乘高突衝圍前鋒四千萬矢雨集眾寡不敵傅爾丹以後兵往援

宋脛爲

虜已破前車直犯大營諸軍遂大敗惟滿六四千衛帶重且戰凡進副將軍
巴賽查納弼等戰死軍得還者二千人虜獲我兵皆穿脛盛以皮囊繫馬後
唱胡歌而返

破小策零

郡王額附策凌與小策零戰大破之

小策零以精騎六千入大策零擁二萬人應之額附策凌與親王丹津多爾
濟合兵迎擊於鄂登楚勒河使六百騎宵入賊營挑戰誘其來追伏兵擊之
大破其衆斬驍將喀喇巴圖魯

破烏魯木
齊

遠大將軍岳鍾琪襲烏魯木齊破之

傅爾丹大敗岳鍾琪襲擊烏魯木齊以分賊勢越木壘渡阿察河斬馘無算
虜敗遁

破噶爾丹

十年壬子郡王額附策凌大破噶爾丹策零

策零傾國入寇探策凌赴本博圖山襲其帳掠其子女牲畜策凌中途聞之
大怒卽斷頭髮及所乘鬃尾誓天反旆馳救驅蒙古兵二萬間道出山背黎

寨桑額爾克

大甲番作亂

刁興國叛

明自天而下勢如風雨虜夢中起人不及弓馬不及銜追殺兩日虜敗又追至杭愛山卽古燕然山南麓虜無走路策凌薄險擊虜三萬呼聲震大漠斬溺無算河水爲赤我兵僅傷十餘人策零夜突圍遁

寨桑額爾克犯火州參將劉廷琰戰破之

虜得松嶺衆二千分三路來犯哈喇火州城劉廷琰擊走之

臺灣大甲番作亂閩浙總督郝玉麟遣兵平之

臺灣北路大甲之二番殘害官兵總督呂瑞麟撫定之已而復亂官兵進剿平之

雲南土司刁興國叛把總康天錫戰敗死之

思茅土把總刁興國煽動元江夷攻普洱府又通苦葱犯他郎地方元江把總康天錫戰敗死之總督高其倬遣兵攻之斬土目楊昌祿等

策零賊犯烏孫珠爾大將軍傅爾丹擊之敗績

傅爾丹兵已破賊前隊賊又大至遂敗績詔責其罪璉公將已而副將下

鄂爾泰入
相

丹津運破賊萬餘人

以鄂爾泰爲大學士兼兵部尚書

鄂爾泰爲軍機大臣世襲一等伯爵 賜金甲上方劍出巡烏爾蘇奏屯田事宜謂西虜未可遽滅 帝遂罷兵與天下休息鄂爾泰受 世宗非常之知每具一疏 帝必嘉獎忠誠頒示天下事無大小必 命平章以聞鄂爾泰亦以身殉國知無不言一切嫌疑形迹無復所避

破黔苗

十一年癸丑貴州提督哈元成擊黔苗破之

初苗疆闢地三千里當貴州全省之半巡撫元展成駐兵時秋稼未獲苗佯聽版築刈獲甫畢即傳與上下九股數百寨偕叛圍大營樵汲皆斷營中掘草根死守彌月援至始解提督哈元生攻苗於蓮花屯重圍萬山之巔四面削箸糧支二年官兵六路破之設戍其上

平普思蠻

十二年甲寅雲貴總督尹繼善討普思蠻平之

尹繼善進勦普思禽斬賊首神仙喃奔等二百餘人降八千人攸樂思茅一

帶悉平

詔止貢牙

詔止廣東進象牙

以其過華麗也凡自海津來者禁止勿售

噶爾丹策零遣使請和 命定游牧境界

厄魯特平

策零欲得阿爾泰山故地不許使命往返議始定以阿爾泰山爲界厄魯特游牧不得過東喀爾喀游牧亦不得過西厄魯特平

苗亂

十三年己卯黔苗陷諸縣 命揚威將軍哈元生等討之

苗疆吏徼獲不善各寨遙起陷重安等數處焚掠及鎮遠思州省兵徵調殆盡奔救不遑 詔發滇蜀楚粵兵特授哈元生揚威將軍苗見援至棄城不守轉攻新疆台拱清江拱江八寨同時告急元生遣兵攻燬各寨副將馮茂復誘殺降苗六百餘及頭目三十人以冒功苗怒逃歸詛盟益堅多手刃妻女出抗官兵蔓延不可招撫又 青溪縣城柳羅江糧盡援絕至九月間始

解

聖諭

八月己丑 帝崩 仁宗卽位

八月帝大漸 命四子寶親王爲 皇太子卽位 命莊親王果親王及大學士鄂爾泰張廷玉受 遺詔輔政

皇朝政典彙要卷三終

皇朝政典彙要卷四

日本增田實原著 遂安毛 淦補編

仁和汪厚昌 訂正
錢塘顧梓田

高宗純皇帝乾隆六十年

乾隆元年丙辰 命大學士鄂爾泰與會試

起楊名時

鄂爾泰受 世宗遺詔同莊親王允祿果親王允禮及大學士張廷玉總理
事務 帝嗣位旬日起楊名時於滇南士大夫知輿不知相率祖道至環馬
首不得前正月至日滇年七十七以禮部尚書入教 皇太子侍直南書房
是年七月薨 贈太子太傅 賜諡文定名時以斯道爲己任凡一言一事
皆以至誠出之故感人如此

大學士朱軾卒

朱軾

遺疏曰國家萬事根本君心政之所先莫如國用人臣綜核庫儲自宜度支
充裕然言利之臣賦財之策亦或有乘隙而進者以義爲利自在 睿斷至

於用人邪正公私幾微之際尤易混淆在審擇君子小人而進退之慎之又慎之

湖廣總督張廣泗擊貴州苗平之

先是張廣泗爲七省經畧調全黔兵集鎮遠以通雲貴大路簡選將士兩授方畧以精兵四十攻上下九股自以三千餘攻潯江寨所向克捷是年復增兵爲八路進剿其遺孽盡鼠牛皮犬警其中盤亘數百里蛇虺所窟雖苗蠻莫測其竄故恃官兵不能主軍退復圖出沒廣泗扼要口布奇兵以漸進逼蠻人饑餓隕死崖谷者以萬計廣泗乘勝勦附近熟苗先後共燬千二百餘寨赦三百八十寨斬萬七千六百人俘二萬五千人獲銃礮四萬六千五百餘刀矛弓弩標甲十四萬八千餘乃設九衛屯田養兵戍之詔盡豁新疆錢糧永不徵收以塞官胥之擾凡遇訟獄從苗俗處分不拘律例以廣泗總督雲貴并兼管巡撫事自是以後南夷不復反